



მოსკოვისა და სრულიად რუსეთის პატრიარქ კირილეს საშობაო ეპისტოლე



მოსკოვისა და სრულიად რუსეთის პატრიარქ კირილეს საშობაო ეპისტოლე რუსეთის მართლმადიდებელი ეკლესიის მწყემსთათავრებს, მწყემსებს, დიაკვნებს, მონოზენებსა და ყველა ერთგულ შვილს.

უფლისმიერ საყვარელო მწყემსთათავრებო, ყოვლადპატიოსანო მღვდლებო და დიაკვნებო, ღვთისმოყვარე მამებო და დედებო, ძვირფასო ძმებო და დებო!

ენით გამოუთქმელმა ღვთის სიყვარულმა შეგვკრიბა ჩვენ დღეს, რათა სულის ერთობითა და მშვიდობით შეკრულნი (ეფეს. 4:3) ერთად შევხვდეთ ერთ-ერთი ყველაზე აღმატებულ საზეიმო და ამავე დროს საიდუმლო დღესასწაულს ეკლესიისას - ჩვენი უფლის, იესო ქრისტეს შობას. ვადიდებ რა წუთისოფელში მაცხოვრის მოსვლას, გულითადად გილოცავთ, ჩემო ძვირფასებო, ამ სასიხარულო მოვლენას, რომელმაც ახალი ერა გახსნა ღმერთსა და ხალხს შორის ურთიერთობებაში.

ყოველ ჯერზე, როცა ვუყურებთ იმას, რაც მოხდა ორი ათასი წლის წინ, ჩვენ ვცდილობთ, ჩავწვდეთ, ღვთის განხორციელების სასწაულის სიდიადეს და ვერ ვწყვეტთ აღტაცებას ჩვენი შემოქმედის სახიერებისა და წყალობის შემყურენი. მრავალი საუკუნის განმავლობაში კაცობრიობა იტანჯებოდა უფლისგან აღთქმული მოლოდინების დაძაბულ მოლოდინში (დაბ. 49:10), რომელიც იქნებოდა მართალი და მაცხოვარი მეუფე (ზაქ. 9:9) და რომლის სახელისა მიმართ წარმართნი ესვიდნენ (ეს. 42:4). და აი, როცა, როგორც იქნა, დადგა დროთა სისასვე, ყრმა იშვა ჩვენდა (ეს. 9:6), რათა ყოველსა რომელსა ჰრწმენეს იგი, არა წარწყმდეს, არამედ აქუნდეს ცხორებაი საუკუნოი (იოანე 3:16). საღვთო სიყვარულმა, რომელიც ყოველგვარ შემეცნებას აღემატება (ეფეს. 3:19), გარდამოგვივლინა არა შუამავალი, არა ანგელოზი, არა ძლიერი და მძლავრი მმართველი, როგორც ხალხი ფიქრობდა, არამედ – თავად ღმერთი განხორციელდა, რათა გამოეტაცა ადამიანი ცოდვისა და ბოროტების ხელიდან.

გაოცებას იმსახურებს ის ფაქტი, რომ ისტორიაში უდიდესი მოვლენა, რომელსაც ძველი აღთქმის წინასწარმეტყველნი იუწყებოდნენ და რომელსაც უძველესი დროის გამოჩენილი მოაზროვნენიც კი წინასწარ გრძნობდნენ, ასე მოკრძალებულად და გარეგნულად შეუმჩნევლად აღესრულა. ეძინა ბეთლემს. ეძინა იერუსალიმს. ეძინა მთელს იუდეას. ყოვლისმპყრობელი უფალი – მეუფე მეუფეთა და სამყაროს მფლობელი – ქვეყანას მოევლინა არა ბუკა-ნაღარითა (ფსალმ. 150:3) და საყოველთაო მხიარულებით, არამედ თავმდაბლად და მშვიდად, ღამის სიჩუმეში, უბადრუკ გამოქვაბულში, ანგელოზთა დასისა და რამდენიმე მწყემსის მიერ განდიდებული, რომლებიც მივიდნენ იმის სახილველად, თუ რა მოხდა (ლკ. 2:15).

თავისი მინიერი გზის დასაწყისშივე, უფალს თითქოს სურს „დამცირების საზღვრებში აჩვენოს სათნოების ხატი“, – მსჯელობს წმინდა მღვდელთმთავარი იოანე ოქროპირი. მხოლოდ სრულყოფილი სიყვარული მოქმედებს ასე კეთილშობილურად, რომელიც არ ეძებს თავისას (1 კორ. 13:4-5), არ აჩენს თავს და არ ითხოვს დიდებასა და პატივს, პირიქით, მზადაა აიტანოს ყველა გაჭირვება და მწუხარება მოყვასთა სასიკეთოდ. „სწორედ ამიტომ, – განაგრძობს ეკლესიის მსოფლიო მოძღვარი, – უფალი იღებს ჩემს სხეულს, რომ დავიციო მისი სიტყვა და, ჩემი ხორცის მიღებით, მაძლევს თავის სულს, რათა ნაცვალ-ბოძებით, გადმომცეს მე ცხოვრების საგანძური“ (სიტყვა ქრისტეს შობაზე). ამით გამოგვეცხადა ჩვენ ღვთის ყოვლადუხვი სიყვარული, რომ მივიღეთ ცხოვრების ქრისტეობითი საუნჯე – თავად უფალი, ვისგანაც, ვის მიერ და ვის მიმართაც არს ყოველი (რომ. 11:36).

სიყვარული არის საღვთო მოქმედებების ნამდვილი მიზეზი და მამოძრავებელი ძალა. მან შექმნა სამყარო და შექმნა ადამიანი, გულუხვად მიანიჭა რა მას საბოძრები. სიყვარულის გამო მოვიდა ის მის გადასარჩენად, როდესაც იგი თავის შემოქმედთან ურთიერთობას მოაკლდა. შემოქმედის წინასწარი განზრახვით, ადამიანის ცხოვრების მთელი აზრი ისაა, რომ ჩვენც გვიყვარდეს ერთმანეთი (ინ. 14:34). მაგრამ როგორ გინდა ამას წუთისოფელში მიაღწიო, სადაც ამდენი ბოროტება და სიძულვილია? ამისათვის უპირველეს ყოვლისა, აუცილებელია, გაუხსნა და მისცე შენი გული ღმერთს. მხოლოდ მას შეუძლია შეცვალოს და გააფართოვოს იგი ისე, რომ ახლა ესოდენ უძლური და შეზღუდული, გახდეს შემძლე იმისა, რომ საკუთარ თავში დაიტიოს ახლობლებიც და შორეულებიც, ჩვენი კეთილისმოქმედნიც და მწყენებლებიც – ყველა ისინი, ვისი სიყვარულისთვისაც მოწოდებულნი ვართ, რათა მიმბაძველნი გავხდეთ ჩვენი ზეციერი მამის სისრულისა (მთ. 5:48).

ახალშობილი ჩვილღმერთის წინაშე ლოცვით თაყვანისცემისას, ვიფიქროთ, რა საჩუქარს შევთავაზებთ

სამყაროს მეუფეს? შეიძლება კი რამე არსებობდეს მარადიული შემოქმედის სიდიადის ღირსი და შესაფერისი? დიახ, არსებობს ასეთი ფასეულობა, რომელიც ყველაზე მეტად სურს ჩვენგან უფალს: ჩვენი მდაბალი, მოსიყვარულე და მოწყალე გული. მაშ, განვადიდოთ ხორცშესხმული ქრისტე არა მხოლოდ მშვენიერი გალობებითა და მილოცვებით, არამედ, უპირველეს ყოვლისა, კეთილი საქმეებით. გავუზიაროთ ნათელი საშობაო სიხარული გაჭირვებულებს, გავათბოთ მეზობლები ჩვენი მზრუნველობით, მოვინახულოთ ავადმყოფები და მწუხარებით დამძიმებულნი. ვანუგეშოთ და მხარში ამოვუდგეთ სასონარკვეთილებს, ლოცვით დავფაროთ ყველა მჭმუნვარე და მწუხარე.

სიყვარულის დიდი მაცხოვრებელი ძალა კურნავს გულგრილობასა და ღვარძლს, მკურნალობს სიძულვილსა და წყენას. იგი არბილებს გასასტიკებულთა ზნეობას და ასწორებს სოციალური ურთიერთობების ბევრ სიმახინჯეს! თუ ასე მოვიქცევით, ჭეშმარიტად შევასრულებთ ჩვენს მაღალ ქრისტიანულ მოწოდებას, რადგან სიყვარულის ამ განფენით, წმინდა ისააკ ასურის თანახმად, ჩვენ ღმერთს ვემსგავსებით (ასკეტური სიტყვები. 48).

ღვთის განკაცების საიდუმლო – ეს არის სამყაროში ღმერთის რეალური ყოფნის საიდუმლო. მოციქული და მახარებელი იოანე, მომავალი საუკუნის ცხოვრების განჭვრეტით, მოწმობს უფლის სავსებით ყოფნას ადამიანებთან: აჰა, კარავი ღვთისა კაცთა შორის, რომელიც დაემკვიდრება მათში, და თვით ღმერთი იქნება მათთან (გამოცხ. 21:3). თუმცა, საღვთო ყოფნის ეს ენით გამოუთქმელი საიდუმლო იწყება უკვე აქ, დედამიწაზე, რადგან მაცხოვრის შობით, აღსრულდა ჟამი და მოახლებულ არს სასუფეველი ღმრთისაი (მარკ.1:15). ჩვენ აშკარად შევდივართ ამ რეალობაში, ვქმნით ქრისტეს ერთ წმინდა ეკლესიას, რომლის მეშვეობითაც ყველა ჩვენგანი, ჩემო ძვირფასო, ვართ მაცნეები და წარმომადგენლები სიყვარულის ამ უმაღლესი სასუფეველისა. ეს „ჩვენთან არს ღმერთი“-ს საოცარი და ღრმა განცდა შეადგენს ეკლესიის იდუმალი, საკრალური ცხოვრების არსს.

გვახსოვდეს, რომ თუ თავად ყოვლისმპყრობელმა ღმერთმა, რომელიც არის ანი და ჰოე, პირველი და უკანასკნელი, დასაბამი და დასასრული (გამოცხ. 22:13) ყოველივესი, თავის მკლავებში მოიცავს კაცობრიობის ისტორია და აღგვითქვა, რომ ჩვენთან იქნება დღემუდამ ვიდრე ქვეყნის დასასრულამდე (მათ. 28:20), მაშინ ჩვენ ვერაფერით შეგვაშინებს დღევანდელი საგანგაშო ვითარებები. მაცხოვრის დიდ სიყვარულზე გამოხმაურებით, ვისწავლოთ სრულად მინდობა უფალზე და სასოების დამყარება მის სახიერ განგებულებაზე, რათა ქრისტეს მეორედ დიდებით მოსვლამდეც, ვიდრე დასასრულამდეც ქუეყანისა (ეს. 8:9), კადნიერებით და სიხარულით გვემონმეზინოს,

ღმერთი ჩვენთან არს!

მოსკოვისა და სრულიად რუსეთის პატრიარქი

ქრისტეს შობა

2023/2024 წ.

მოსკოვი

მოსკოვისა და სრულიად რუსეთის უნმინდესი პატრიარქის, კირილეს საშობაო ეპისტოლე ხელმისაწვდომია აგრეთვე სხვა ენებზეც, მათ შორისაა:

ინგლისური

ბელარუსული

ბერძნული

იტალიური

ყაზახური

ყირგიზული

ჩინური ტრადიციული

ჩინური გამარტივებული

ლატვური

ლიტვური

გერმანული

უზბეკური

ფრანგული

ესტონური